

Uunga siunnersuut: Siusinaartumik pensionisiat pillugit Inatsisartut inatsisaata allanngortinnejnarneranik Inatsisartut inatsisaat nr. xx, xx. xxx 2019-imeersoq.

(Kalaallit Nunaanni, Danmarkimi Savalimmiunilu kommunit akornanni paasissutissanik paarlaasseqatigiittarneq, nuunnermi siusinaartumik pensionisanik qaammatini 12-ini attassiinnarnissaq, ingerlaannartumik qaffasinnerpaanik siusinaartumik pensionisanik pisartagaqalersitsineq)

Pillugu

Ilaqtariinnermut Peqqissutsimullu Ataatsimiititaliap

siunnersuutip aappassaaneerneqarneranut

ISUMALIUTISSIISUTAA

Ataatsimiititaliap suliarinninnermini makku ilaasortarai:

Inatsisartunut ilaasortaq Mala Høy Kúko, Siumut, siulittaasoq

Inatsisartunut ilaasortaq Stine Egede, Inuit Ataqatigiit, siulittaasup tullia

Inatsisartunut ilaasortaq Anna Wangenheim, Demokraatit

Inatsisartunut ilaasortaq Aqqa Samuelsen, Inuit Ataqatigiit

Inatsisartunut ilaasortaq Karl-Kristian Kruse, Siumut

Inatsisartunut ilaasortaq Malene Vahl Rasmussen, Demokraatit

Inatsisartunut ilaasortaq Mikivsuk Thomassen, Inuit Ataqatigiit

UKA2019 ulloq 30. september 2019-imí siullermeinerinerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Siunnersuut suliniutinik pingasunik imaqarpooq, siusinaartumik pensionisiallit naalagaaffeqatigiit immikkoortuisa akornanni nuunnerminni killilersuutaasut

aaqqinnejarnissaannik siunertaqartoq. Taamaalilluni siusinaartumik pensionisialik naalagaaffeqatigiit immikkoortuisa akornanni siusinaartumik pensionisialik pilersornissamut tunngavissaat qaammatit aqqaneq marluk angullugit qulakkeerneqartarnissaat siunnersuutigineqarpoq. Tamatuma saniatigut siusinaartumik pensionisiallip nunatsinniit Danmarkimut Savalimmiunulluunniit nuunnerani siusinaarluni pensionisiallimmut attuumassuteqartut paassisutissallu pingaarutillit ilanngullugit nassiunneqartarnissaasa ajornarunnaarsinneqarnissaat siunnersuutigineqarpoq. Kiisalu Danmarkimiit nuuttut siusinaarluni pensionisiallit aamma Savalimmiuniit nuuttut qaffasissumik siusinaartumik pensionisiallit sulisinnaanngitsut imaluunniit annikitsumik sulisinnaassusillit nunatsinnut nuukkaangata sioqqutsisumik sulisinnaanermut naliliivigineqqaanngikkaluarlutik qaffasinnerpaamik siusinaartumik pensionisianik pisartagaqartalernissaat siunnersuutigineqarpoq.

2. Tusarniaanermi akissutigineqartut

Tusarniaanermi akissutigineqartut inatsisisstatut siunnersummut ilanngunneqarput, tamanna Inatsisartut Siulittaasoqarfiata ilusiliinissamut piumasaqataanut naapertuuppoq.

3. Ataatsimiititaliap siunnersummit suliarinninera

Siusinaartumik pensionisiallit naalagaaffeqatigiit immikkoortuisa akornannut nuunnerminni pilersornissamut tunngaviit attatiinnarnissaannut periarfissat oqinnerulersinniarneqarnerat ataatsimiititaliamit pitsaasutut isumaqarfingineqarpoq. Tamanna isumannaannerulersitsinermik innuttaasullu ataasiakkaat eqaannerusumik nuttarsinnaanerannik kinguneqassaaq. Tamatuma saniatigut innuttaasoq Danmarkimeersoq imaluunniit innuttaasoq Savalimmiuneersoq qaffasinnerpaamik siusinaartumik pensionisianik pisartagalik sulisinnaanera naliliivigeeqqaanngikkaluarlugu qaffasinnerpaamik siusinaartumik pensionisiaqartilereratigut allaffisornerup annikillisinneqarneranik siunnersuutigineqartup kingunerissagaa naatsorsuutigineqarpoq. Tamatuma saniatigut siusinaartumik pensionisiallit ataasiakkaanut Danmarkimut nuunnissaminik toqqaasimasunut sullissinermut siunnersuutigineqartoq sivikillisaqataassasoq ataatsimiititaliamit neriuutigineqarpoq.

Nalinginnaasumik oqaaseqaatini ima allassimasoqartoq ataatsimiititaliamit maluginiarneqarpoq:

Ukiumi siunnersuutip atuutilerneranit ilanngaatitaqanngitsumik aamma ukiumut missingersuutini siunnersuutip nassatarisaanit siusinaartumik pensionisianut ukiumut aningaasartuutit katillugit 1,1 mio. kr.-nik annertussuseqassapput.

(Imm. 3, Nalinginnaasumik oqaaseqaatit)

Nalinginnaasumik oqaaseqaatit misissoqqinnejcarnerat tunngavigalugu oqaasertaliorneqarnera kukkuneqarsimassasoq ataatsimiititaliap ilimagaa, taamaalilluni oqaaseq *ilanngaatitaqanngitsumik aningaasartuutit issuaanermi qulaaniittumi allassimasariaqanngikkaluarluni.*

Taamatut paasininnermut Naalakkersuisut isumaqataanngikkunik siunnersuutip aappassaaneerneqarnerani tamanna oqaaseqarfijeqqullugu qinnuigineqarput.

Siunnersuutip misissorneqarnerani annertunerusumik oqaaseqarfijinissaanut ataatsimiititaliaq pissutissaqanngilaq, taamaattumillu siunnersuummut nalinginnaasumik immikkullu oqaaseqaatigineqartunut innersuussissalluni.

4. Siunnersuutip aningaasatigut kingunerisassai

Siunnersuutip piviusunngortinnejcarneratigut aningaasatigut kingunerisassai siunnersuummut oqaaseqaatini nalinginnaasuni allaaserineqarput. Siusinaartumik soraarnerussutisialinnut 1,1 mio. kr.-inik ilanngateqanngitsumik ukiumut ataatsimut aningaasartuutaanerunissaat siunnersuummi allassimavoq.

5. Ataatsimiititaliap inassuteqaataa

Ataatsimiititaliap isumaqatigiittup siunnersuut akuerineqassasoq inassutigaa.

Taama oqaaseqarluni isumaliutissiisummilu oqaatigineqartunik paasinnilluni ataatsimiititaliap siunnersuut aappassaaniigassanngortippaa.

Mala Høy Kúko

Siulittaasoq

Siumut

Stine Egede

Siulittaasup tullia

Inuit Ataqatigiit

Anna Wangenheim

Demokraatit

Aqqa Samuelsen

Inuit Ataqatigiit

Karl-Kristian Kruse

Siumut

Malene Vahl Rasmussen

Demokraatit

Mikivsuk Thomassen

Inuit Ataqatigiit